

INUIT ATAQATIGIIT INATSISARTUNI



23.05.2024

Inatsisartut Suleriaasianni § 37, imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Inuit annertuumik annikitsumillu innarluutillit inersimasunngortut eqqortumik sullillneqarlutillu kiffartuunneqarnissaat qulakkeernissaat kikkut akisussaaffigaat?**
 - 1a. Qaqugukkullu qulakkeerinninnerit pisassappat?**
 - 2a. Ukiumut qasseriaq qulakkeerinnittoqartarpa?**
- 2. Inuinnik annertuumik innarluutilinnut angajoqqaajusut toqqissisimassagunik qitornaat inersimasunngortunut inatsisit malillugit qanoq oqartussanik suleqatigineqartassappat?**
- 3. Arlaannik naalackersuisut ilassutissaqarpat?**

(Inatsisartunut Ilaasortaq Marita Jessen, Inuit Ataqatigiit)

Tungavilersuut:

Inuit innarluutillit tapersorsorneqarnissaannut Inatsisartut inatsisaanni ilaatigut allaqqammat §3-mi - Inuk innarluutilik ataqatigiissagaasumik, ataqatigiissumik tamakkiisumillu isiginnittumik, inummut tungasut tamaasa aamma inuup inuunera mianeralugit, tapersorsorneqarnissaminut pisinnaatitaavoq. Taamaattorli sineriatsinni angajoqqaat ikittuinnaangitsut ernummassuteqartarput meerartik inersimasuusooq innarluuteqartorlu pillugu. Allaat ajoraluartumik angajoqqaajusut toqukkut qimagunnissaminut ersissuteqartarlutik. Namminneq meerartik ilaatigut isumassortarpaat, paasititsiiuarnerlu sulisunut nutaanut atortuartarlugu. Angajoqqaat toqqissisimanatik oqariartuutigisarpaat, allaat namminneq isumaginninnikkut inatsisinik ilisimasaqartuusariaqarnertik, qanorlu meeqqami paaqqtarineqarnissaanik, eqaarsaartarnissaannillu angajoqqaajusut ilisimasaqartuusariaqartarmata. Taamaammat paaserusunnarpoq arlaannik

INUIT ATAQATIGIIT INATSIARTUNI



suliniuteqartoqarniarnersoq, inuk innarluutilik angajoqqaajusullu toqqissillutik
inuuneqarnissaat anguniarlugu.